

邵陽縣志

邵陽縣志卷九

人物 下 列女

夫湛湛秋水躍清漣而不波遲遲春日攬翹芬而無色匪嫻內則之篇亦識柏舟之操不有煒管曷闡馨烈作列女傳 孝婦明王氏梁尙志妻早寡姑以家貧勸改適氏泣誓不從養姑最孝子婦陳氏亦以節孝著正統九年旌給銀建雙節坊見乾隆通志 劉氏歸州訓導魯多信之母孝事孀姑課三子皆有文行卒年九十 彭氏訓導劉汝能妻知內則四書大義汝能嗣叔父後所後翁早卒汝能貧出謀館穀氏勤女紅以佐姑膳姑病盲氏與汝能扶掖起居飲食十五年子孔昭孔暉甫離懷抱卽令習幼儀督課甚嚴兩子皆成名士孔暉死新鄭難 楊氏

逕授教諭車泌書妻事舅姑孝舅亡姑性嚴急或因他事以怒氏氏和顏忍淚承順之必得姑意解而退泌書偶外出氏朝夕依膝下承歡時飲食以進姑以是愛之明年癸甲後兵荒頻仍泌書謀食卜隱惟母是念氏日偵姑所欲先意管措無少欠子萬備萬有萬育入國朝起家科第皆爲名人王氏吳李芳妻李芳成名早時天下多故李芳在官不能迎母氏奉姑避亂萬山中姑病劇氏減餐市衣飾以供藥餌姑卒不起氏一慟而逝見一統志劉氏生員李惟敬妻年十五以姑疾危卽歸李奉湯藥盡食不懈姑愈而氏病矣未三載卒惟敬感氏之孝終身不再娶見乾隆通志唐氏生員陳鼎妻二十七寡事姑孝子大章嘉靖中選貢官廣州訓導見乾隆通志王氏生員舒心正妻舒氏生

員王納言妻均早寡孝事其姑王氏課子莊爲諸生均見乾隆通志

王氏生員金旒之母夫亡旒甫二歲氏食貧堅守仍迎嫁姑歸養苦節

五十餘年 王氏陳明卿妻事舅及繼姑以孝聞教其子憲道入 國

朝舉於鄉令曲周有聲

以上王氏道光癸卯旌

李氏申本徵妻養祖姑於

兵燹流離中祖姑病素食三年祈愈夫亡子幼無期功之親負子侍舅

姑避亂卒免於難又其時軍賦繁重氏獨力支持祖姑及舅姑沒均喪

葬如禮

咸豐丁巳旌

王氏車承道妻事姑能承歡順志教子大任爲名

進士卒年八十有八 國朝車氏增生王元澤妻二十八寡侍病姑湯

藥連年無少懈 彭氏劉斐妻二十五寡矢守養姑自傷不能供甘旨

終身未嘗食肉

均雍正七年旌

王氏石大紳妻大紳因貧客外氏資紡績

以膳舅姑大紳卒兄弟有以他語諷者氏閉戶拒之舅嗜酒氏辟纈以易客至命具飲必竭力供之而氏或竟日不食亦不使人知舅沒朝夕必奠以酒姑老事之十年無少懈 乾隆三年旌 劉氏生員黃道濬妻二

十七寡姑病足扶持數十年晝夜不懈

乾隆四年旌

劉氏孀芳妻二十

九寡竭力事舅姑有欲奪其志以圖產者氏控於官請執照終養子名科婦任氏以節稱王氏郭君貺妻二十三寡孝事其姑至九十歲孫氏監生唐之絳妻二十五寡姑病痺氏扶掖十餘年

均乾隆五年旌

范氏劉

大昌妻二十二寡姑病風手足不仁氏扶持經年不懈子婦唐亦早寡

矢節

乾隆二十一年旌

馮氏唐應璇妻二十三寡或議改適氏引刀死拒

舅老患足疾侍湯藥十餘年卒年九十三

乾隆二十二年旌

宋氏鄭守準

妻年十八寡舅沒哀泣三年遇忌日不進飲食姑病親嘗湯藥扶掖起

居凡三年

乾隆二十九年旌以上十氏均見嘉慶通志

道光二十三年彙旌耆陳氏

趙遇妻二十四寡父母欲奪其志氏奉大士像坐右朝夕禮拜以自矢
事姑至九十三歲嘗刺臂血和藥愈之氏老始以刀痕示兒媳 劉氏
歐陽邇遐妻邇遐赤貧氏績紉助菽水夫弟久客蜀舅姑念不已氏勸
夫往尋獨支門戶舅病癰夜午嘗驚走氏恐其顧仆不敢安寢姑患乳
癰氏侍湯藥三年癰臭不可近氏以口吮毒伯舅德四與其妻龐年八
十無子氏事之如舅姑太守以孝婦旌其門 時氏拔貢岳啓後妻歸
岳七年啓後沒京邸氏矢守養姑姑病篤割股以療姑尋愈 陳氏羅
玉友妻二十八寡姑病風侍湯藥十八年唯謹氏卒年九十九 丁氏

郭宗貴妻姑遭癰疾氏負之居寢適姑意宗貴灌園爲生氏助夫勤種澆易金奉姑甘旨而自咽菜羹夏以扇代帳冬慮絮薄身偃姑助煖洗濯便溺不嫌穢姑沒哀毀逾恆郡邑旌其門曰孝同乳姑

以上五氏均見嘉慶通志

慶通志

唐氏舉人王士瑛妻二十四寡撫從子爲子終身絕歡笑祖姑

老病瞽氏侍疾未嘗刻離翁有疾樂必先嘗事繼姑亦甚謹有夫弟貧盡鬻氏私產氏衣食不給卒無怨卒言年八十 尹氏申定參妻二十

五寡姑老病舉動維艱氏謹侍飲食起居十四年 劉氏蕭最利妻侍

病姑湯藥六年年二十四寡日止一粥苦守六十餘年 周氏楊登和

妻姑病目日夜依氏如左右手五年無少懈二十四寡嚴督二子有成

自奉極儉而好施與卒年八十六 鄧氏唐安爵妻年二十寡痛欲自

盡姑勸止之生遺腹子姑遭疾氏侍湯藥十六年 郭氏羅廷樹妻二十四寡姑臥病六年侍養未嘗少懈 鄒氏歐陽立交妻年十九寡繼姑患足疽氏侍疾二十餘年姑病革謂氏曰吾視息得延今皆汝力也翁老亦難舉動氏事至八十五歲 王氏羅厚琢妻年十九寡祖姑目盲祖翁亦善病氏侍之不辭劇瘁者十七年 歐陽氏蕭忠景妻二十二寡子甫周歲夫弟亦幼翁姑並患癰氏謹奉侍姑病久多燥怒氏不敢少拂翁沒伴姑寢三十年又爲夫弟娶童妻魏幼瞽亦賴氏左右之夏氏劉星臺妻二十九寡姑老得瘕疾氏侍湯藥三年未嘗離左右卒年七十有九 劉氏蕭永貞妻姑嬰痼疾每痛呻氏必泣侍晝側夜不倦姑瀕危稱孝婦者三而絕未幾夫沒氏年二十九以節終 唐氏

陳興琰妻侍盲姑手調湯藥飲食必後於姑未寢不退如此者數年守節四十年卒 朱氏劉位賢妻夫沒子輝才十歲事舅姑色養備至舅老善病終宵必數食氏執館進膳衣不安寢者十餘年 劉氏歐陽道僕妻姑病奉湯藥三年無纖忽氏卒年九十 劉氏謝承遷妻翁七十臥病氏謹奉侍者凡七年 陳氏生員曾子述妻翁性嚴氏事之能得其歡事姑與繼姑皆以孝聞 周氏劉艾景武妻事姑至八十極孝愛沒年九十一 黃氏石吉賢妻早寡有夫弟五人翁姑命氏綜內政同炊四十年甚得翁姑歡 咸豐七年被旌者李氏曾子銓妻阮氏伍世開妻譚氏監生田念儒妻喬氏黃昌禹妻陳氏生員尹道援妻張氏郭振榮妻係氏孝子生員黃則有妻謝氏唐聯極妻劉氏生員魏達衡妻

文氏郭光棠妻劉氏黃宗祐妻劉氏謝萬三妻梁氏黃敬安妻李氏事翁暨嫡庶姑皆能承歡嫡姑病侍湯藥唯謹庶姑患乳癰氏以口吮膿愈之阮氏左右贅姑俾自忘其苦自甘粗糲而奉姑膳必豐潔子澤景道光辛卯鄉舉第一譚氏事祖姑及舅姑皆謹姑年九十氏亦七十猶柔聲怡色侍奉如少壯時喬氏家貧終歲竭蹶女紅奉姑甘旨姑性嚴急氏能得其歡夫故子幼躬自封表累世先塋孫達道以拔貢官知縣陳氏姑年七十八病癰坐臥飲食需人氏皆身任之晝夜靡倦張氏年二十一夫外出氏傭女工養姑至八十七歲孫氏家囊甚佐夫事婆姑至八十三歲辛苦萬狀謝氏勤紡績養舅姑均至八十歲魏劉氏文氏均孝事其舅姑黃劉氏孝事祖姑十四年謝劉氏梁氏事姑均以孝聞

同治八年被旌者楊氏增生姚德輝妻黃氏生員金重南妻舒氏生員曾開磷妻甘氏監生唐正訓妻蔣氏曾開烈妻趙氏曾開佑妻楊氏年十九歸德輝舅家替氏醫匱具養閨家百餘指後姑沒德輝歲館外氏茹苦事舅至八十歲舅寢疾氏侍湯液夜不就枕者六十餘日既沒襚烏預手製德輝兄弟早別籍氏因夫弟德晃喪妻遺二幼子復與合爨撫德晃子如所生至成立始析箸黃氏事姑至九十六歲以孝稱舒氏家中落典鬻服飾養舅姑備歷艱辛從無戚容氏沒鬻哭以詩極悲痛甘氏舅患痺姑亦衰病氏禱神乞代煮藥進膳十餘年不少疏懈蔣氏事姑能委曲承順

旌冊及總坊誤載曾宗坊母今改正

趙氏三十六寡事病姑

十餘年甚勤謹

新采鄧氏王式梧妻家貧竭力致甘旨奉姑姑患時

屬家屬有傳染者姑令諸子婦將弱小徙避氏泣請侍疾手濯中褰廁
牖數十日姑愈氏亦無恙 毛氏王翰魁妻姑老喪明氏扶掖唯謹夫
亦邁痼疾不能行氏携幼子乞往往自忍飢凍而姑與夫衣食無缺
譚氏申廷聰妻聰以貧久客外氏勤女工養寡始姑患手疽三年氏嘗
以口吮患處 屈氏車千乘妻姑胡病利下屬諸子婦攜幼弱外避氏
獨請侍湯藥日浣穢襦辱十數次閱二月姑愈翁老病噎膈氏擇所嗜
焚爲羹煇以宿火寒煖恆適其口晝夜不解衣帶者數月翁卒哀毀逾
恆 劉氏姚嚮冕妻自幼歸姚時祖舅篤老氏於妯娌行居季凡進膳
燂潘夏帳冬爐及奉几杖滌厠牖其姑悉以委氏氏小心執勞者十年
祖舅卒姑旋病姑性嚴最嗜潔氏素承順侍疾年餘尤能適姑意既沒

舅且老家益落佐夫拮据奉養以療卒年二十九德晃念其畢生瘁於孝不再娶 廖氏李國棟妻姑盲六十後復癱氏爲盥梳更衣扶掖臥起至年八十翁老病不省人事便溺恆在身氏手滌衣衾者凡七八年

閔氏王元祥妻姑癱臥牀蓐飲食便溺皆氏任勞姑性卞急稍緩輒嘖氏無纖拂元祥兄弟以貧故常久外氏耕土爲養雖值大荒未嘗缺膳事姑至七十五卒 張氏龍久域妻跛且早寡行乞以養嫠姑凡得米肴蔬果必分貯其美者奉姑值雨雪不能遠乞卽忍飢而姑食未嘗一日缺姑後患痿氏扶持十餘年 蕭氏劉代漢妻事痿翁歷三十年李氏孫光遂妻事瞽姑三十餘年何氏黃際盛妻事舅姑歷三十年均能始終不懈 李氏異宗李玉貴妻姑患癱氏扶持飲食起居十餘年

王氏賀惟崗妻家貧惟崗客外十餘年未歸氏勤女紅養舅姑或傭鄰里有所獲必以奉舅姑卒竭力營殮葬不少苟 宋氏趙富儔妻姑彭寢疾五年氏侍湯藥不少離雖歸甯從未留宿寒溫衾遇暑扶姑加膝上左右更扇及沒慟甚語及輒泣深以奉養不盡爲憾

烈女死夫者明張同桂隆回里張志臣女字楊世昌病跛其翁欲退昏父母許之女持聘書夜半投水死時年十四萬歷四十二年巡按楊春聞於朝詔旌之建坊墓前額曰烈女見湖廣通志楚南文獻錄明史概國朝周氏周學祈女字戴某貧且跛求退昏父以告女女曰命也不可改卽改者兒有死而已已而其世父潛以許富室某女聞投繯死年二十一 趙氏名滿正幼知書嫻女訓字同里陳萬嘉未嫁而萬嘉卒

滿正矢不更字里有惡少僞構婚約訟之官官遽批完昏滿正父遇紳
故樸懦顧滿正曰奈何滿正毫不動夜半沐浴整妝作絕命詩二絕投
繯死詩云肅肅嚴霜滿地鋪挺然翠柏傲天孤羅敷自有全貞計幾歲
藏繩此日霜白髮含愁憾計窮拚將性命脫樊籠瑤池萬古清冷月照
我冰心朗太空 禹卷貞禹加相女幼許歐陽某某奇貧年二十九不
能成禮請退昏其父許之將以改字人卷貞聞知夜赴水死卷貞兒子
國紀有女年十八許湘鄉王定簪其母聞定簪家日落欲悔盟女不從
母卒悔之女拔刀自刎死 曾氏曾子銓女幼字諸生申佐翬卒女
欲奔喪父不許乃衰服而以常服蒙其上坐臥一小樓茹素飲泣越月
病呻吟間頻語翬呼與俱去訖不起時年二十二 王氏王遴文女字

諸生簡坤未嫁而坤卒氏聞耗欲自盡父母侍之三年縞素一室有求婚者父母與言不答淚如雨年十七以憂死見嘉慶通志七氏皆道光癸卯旌 孫氏孫大紀女幼字羅羅貧大紀資之賣而屢虧其資遂逃去落魄他死大紀改字女唐姓納聘備物諸姑姊皆賀氏正色曰我羅家婦也是何爲者而賀耶父譽曉之誓死不從乃反其聘未幾卒 黃氏周配元聘妻因夫貧待年至二十七歲未婚父母逼令改適自經死 楊氏女幼許鍾德岸歸有日矣而德岸卒女聞訃悲泣不食自經死 時年十八 黃氏韓得觀童妻得觀年十三溺死越數日氏亦投水死 時年十五四氏皆咸豐丁巳旌 黃氏周歷沅妻三溪六都人幼許沅旣而沅家落不能備禮成昏氏待至二十七歲父母有異議自刎死同

治己已旌

按此與咸豐丁巳旌周配元妻黃氏夫姓婦姓死年待昏各情節均同配元歷元恐傳寫訛

誤疑是一人兩存之以待考志

新采大貞楊輝祥女許趙敦仁敦仁從軍亡大

貞聞訃飲毒死

李氏女字劉氏子未昏而劉氏子卒女矢志貞有欲

嫁之者女仰藥死

伍氏字訓導石文之三子玉器卜期歸夫卒氏欲

奔喪其母不允所請氏屢欲自盡母及嫂防之密不得間乃易服毀容

日掩戶泣飲食少進悲鬱數月卒 李氏劉效運之孫婦幼歸劉未合

壻夫殤悲甚仰藥死

李氏李明章女幼許王顯燦年十七未昏夫亡

女痛泣嘔血數月卒

甘秀甯由享女字尹耀武未昏而武卒女毀容

坐臥一室奉大士像祈死或言女當改字富家一日自刎死年二十一

楊氏父鄆北鄉溫泉村人字鍾氏子年十九未歸鐘死於火氏聞訃